

Kaarka wadista gaadiidka (Leesinka baabuur wadista) – saacidaad wadadii ku gaynaysay shaqo

Haddii aad tahay shaqo la'aan isla markaana aad buuxineyso shuruudaha qaar waxa aad ka heli kartaa amaah lacag ah CSN (Hey'adda kaalmeynta waxbarashada) si aad u qaadato kaarka wadista gaadiidka B. Xitaa adiga 19-20 jirka ah haystana shahaadada dugsiga sare waad u amaahan kartaa kaarka wadista gaadiidka. Maantay shaqo bixiyayaal badani waxa ay u baahan yihiin qofka soo dalbanayo shaqo inuu haysto kaarka wadista gaadiidka, marka haysashada kaarka wadista gaadiidka waxa kuu fududaan karaya in aad hesho shaqo.

Intaas ayaad adigu amaahan kartaa

Ugu badnaan waxa aad adigu amaahan kartaa 15 000 korono. Lacagta waxa loo bixinayaa qayb qayb, oo bixin kartaa waxa ay dhan tahay 5 000 korono. Si aad adigu u hesho amaahda waxbarasho ee kaarka wadista gaadiidka waa in iskoolkaadu xitaa uu aqoonsi ka haysto hay'adda gaadiidka.

Qofkee qaadan kara amaah kaarka wadista gaadiid?

Amaahda kaarka wadista gaadiidka waxa loogu tala galay adiga ah shaqo la'aanta una dhaxeeya 18-47 sano ama adiga ah 19-20 sano haystana shahaadada dugsiga sare ama mid u dhiganta.

Hadii aad adigu tahay shaqo la'aan da'daaduna ay u dhaxayso 18-17 shuruuduhu way kala duwan yihiin iyada oo ay ku xiran tahay hadii aad u dhaxayso 18-14 ama 25-47 sano (ka fiiri bogga xiga shuruudaha oo dhamaystiran) hadii aad tahay 19-20 sano haystana shahaadada dugsiga sare ama mid u dhiganta, waxa aad xaq u yeelan kartaa amaahda kaarka wadista gaadiidka.

Amaahdu waxa ay khusaysaa kaarka wadista gaadiidka ee Swidhishka ee leh soo buuxinta kaarka wadista gaadiidka B, waxa la dhihi karaa gawaarida yar yar iyo gawaarida xamuulka fudud. Adigu waa inaad horay u haysanin kaarka wadista gaadiidka B ee Swidhishka si aad xaq ugu hesho amaah.



Ma doonaysaa inaad wax sii ogaato?
Gal bogga
csn.se/korkortslan
ama naga soo wac
0771-276 000.

Sidaan ayaad u dalbanaysaa

Waxa aad adigu ka dalbanaysaa amaahda kaarka wadista gaadiidka gudaha bogaggaada csn.se. Markaad adigu ka hesho go'aankaada CSN oo aad bilaawdo iskoolka barashada wadista gaadiidka waxa aad ka codsan kartaa lacagsiintaada koowaad. Si toosa uma imaanayso. Iskoolka barashada wadista gaadiidka ayaa CSN soo wargelinaya kharashaadka, oo waxa aad adigu codsan karaysaa bixinta lacagaha wixii markaas ka danbeeya.

Amaahda dib ayaa loo soo bixinayaa

Amaahda dib ayaa loo soo bixin doonaa. CSN dulsaar ayay ka qaadan doontaa cadadka amaahda. Sida cadiga ah adigu waxa aad bixin doontaa 300 kronor bishii. Taas waxa ay ka dhigan tahay hadii aad amaahanayso. 15 000 korono waxa ay qaadanaysaa 4 sano inyar ka badan ka hor inta dayntii dib lagu soo celiyay. Daaabcan waa suurta gal in amaahda lagu soo celiyo si dhaqsiya ah hadii aad adigu rabtid.

Shuruudaha si aad uqaadato amaah kaarka wadista gaadiid

Si aad xaq ugu yeelato amaahda kaarka wadista gaadiid waxa aad adigu u baahan tahay in aadka tirsan tahay mid kamid ah sadaxdan kooxood oo ay amaahdu qusayso.

Adigu tahay shaqo doone iyo 18-24 sano

Adigu waa in aad iska wargelisaa xafiiska xiriirinta shaqada si shaqo doone ah. Isla markaasna waa in aad soo buuxisaa labadan shuruudood:

- Adigu in aad ka qayb qaadanaysid barnaamijka shaqo iyo damaanad qaadka horumarka ee xafiiska xiriirinta shaqada ama damaanad qaadka shaqo ee dhalin yarada. Adigu waa in aad ku qornaataa maalinka uu dalabku imaanayo CSN.
- Adigu in aad kasoo qayb qaadatay barnaamijka la qabsashada ee xafiiska xiriirinta shaqada ugu yaraan sadax bilood oo isku xigta ilaa iyo ka hor maalinka uu dalabku imaanayo CSN.

Adigu tahay shaqo doone iyo 25-47 sano

Adigu waa in aad iska wargelisaa xafiiska xiriirinta shaqada si shaq doone ah. Waa in aad ka tirsanaataa ugu yaraan lix bilood oo isku xigta ilaa iyo ka hor maalinka uu dalabku imaanayo CSN.

Isla mar ahaantaas waa in aad soo buuxisaa labadaan shuruudood:

- Adigu in aad shaqo la'aan ahayd xiligaas oo dhan
- Adigu in aad ka qayb qaadatay mid kamid ah barnaamijyada siyaasada suuqa shaqada xiligaas intii lagu guda jiray.

Adigu haysatid shahaadada dugsiga sare iyo tahay 19-20 sano

Adigu waain aad haysataa shahaadada dugsiga sare ama mid u dhiganta. Adigu kama qayb qaadan karysid damaanadqaadka shaqo iyo horumar ama damaanadqaad maalinkaas marka dalabkaadu uu imaanayo CSN. Adigu xitaa maaha inaad ka qayb qaadatay barnaamijka la qabsashada intii lagu guda jiray sadaxdii bilood ee isku xigta u danbaysay laga bilaabo ka hor maalinki uu dalabkaadu imaanayo CSN.

Waxbarashada loo tirinayo mid u dhiganta shahaado dugsiga sare waxa ay tusaale ahaan noqon kartaa

- Cadayn waxbarasho oo ay wehliso cadaynta maadooyinka oo ay ugu yaraan gaaraya 2 500 dhibco dugsiga sare ah
- Shahaadada ama waxbarashada dugsiga sare ee iskoolka wadan dibada ah ama mid iskool caalami ah ee Sweden ku yaala
- Cadayn ka timid machadka waxbarashada ee dadka waaweyn oo muujinaysa soo buuxinta shuruudaha aasaasiga ah ee iskoolada sare ee heer jaamacad ama iskoolada xirfadaha ee heer jaamacad tahay mid lasoo buuxshay.

Adigu waxa aad si buuxda uga aqrisan kartaa tirinta waxbarasho ee u dhiganta shahaadada dugsiga sare ee ku jira 10 a § ee awaamiirta (2018:1118) ee ku saabsan amaahda kaarka wadista gaadiid. Waxa aad ka heli kartaa www.csn.se/lagochratt.